



大岳太和山誌卷之六

藝文

賦

國朝

楊琚參議

維大岳之爲山兮形肇奠於鴻荒迺渾淪  
而磅礴兮鍾秀氣於玄黃顧發源於幡冢  
兮擁翠浪於武當肆連峯而接岫兮復積  
嶺而重岡峙漢水之南隅兮跨均房之兩

疆控翼軫之分野兮應列宿於上蒼羗迴  
旋乎地軸兮扼天關於古襄衍脉絡於荆  
山兮折支派於內方七十有二峯根盤八  
百里崔嵬嶺岼岩崑崙施厥厖如對森列  
如竦若迴而馳侶行而止若豁而舒侶立  
而跂或俯焉而復昂或仰焉而崛起或蜿  
蜒兮如龍如蛇或蹲踞兮如虎如兕或尖  
銳兮如筆如鋒或正直兮如屏如几若乃  
三十六巖之幽虛二十四澗之迤邐五臺

五井之悠悠三泉二潭之瀰瀰厥石則有  
金星銀星厥厓則有地髓石髓堯韭禹糧  
雜沓而竝美秦檜漢栢偃蹇而長清木實  
則有橈檉檉檉檉檉檉檉檉檉檉檉檉檉  
則有茵莢笋蘆薯芋蕨葵藟藜藟藟藟藟藟  
揅窮草交讓木靈器杖石磴心棚梅赭蚪  
葛乳騫英天花雲林芳芷微蘅枝掛房李  
鄧橘襄橙無物不有雖茅亦馨萬年松千  
歲艾九僊子天南星白何首烏紫花地丁

苦參白合其菊黃精采之可以療諸疾服  
之可以制顏齡又有石如火焰之紅樹如  
龍瓜之倪飛泉滴溜漱乎瓊瑤松風響籟  
鳴於遠邇四季常見靈鴉雙雙繞林垆五  
更或聞天鷄喔喔號雲袖白鷗錦雉同飲  
啄夫巖頭神虎仙麋迭巡行乎山趾紫芝  
瑞卉百千其名珍禽恠獸不可殫紀又如  
龍宮雷洞深宵虛明風穴星牖沉寥呀哆  
表以禹跡步雲之橋帶以太乙天池之水

日出則嵐飛靄收蒼翠滿前月明則鶴唳  
猿號清幽無比兼有洞天福地之靚深孰  
謂蓬萊方丈之不在是也有若大頂之峯  
端然正位處乎其中吾不知其幾千萬仞  
但見形威峻極與天而爲柱氣象巍峩杖  
地而撐空其高無竝其旁靡從匪衡匪岱  
匪華匪嵩旣非翳閭之可擬亦非恒霍之  
可同前有五老後有五龍右有摺笏九卿  
左有手扒三公東有始老展旗九渡金鎖

西有隱仙壘字千丈鷄籠北有皇崖顯定  
貪狼獅子南有仙人隱士伏魔降龍又有  
聚雲香爐大明蠟燭大蓮小蓮文曲武曲  
天馬玉筍之重重丹皂竈門之轟轟千巒  
萬嶂各獻幽竒四面羣峯互相倚伏乃獨  
孕秀居奠盱眙駭目上接青雲下臨深谷  
其視衆山之周遭迴繞拱向環簇有如王  
者之臨諸侯太宗之俯族屬是乃五岳之  
長兄四鎮之伯叔遠若蒼梧之九疑巫山  
十二峯竝呼爲其家督近則赤龍寶砲橫  
黃方界皆目爲其幹僕此我

皇明所以表章謂之大岳太和而成五爲六也  
耶是宜玉臺高壘石檻玲瓏闕以門闕繚  
以垣墉金殿之據乎其上煥棟宇之穹隆  
天帝之宅乎其內躡龜蛇之玄蹤捧劍兮  
玉女執旗兮青童侍從兮靈官導引兮先  
鋒照日月兮層構映上下兮天宮耀金光  
兮燦爛洞遐矚兮昭融飛複檻兮霄際縹

雲靈兮曠隴信真仙兮所棲豈塵俗兮可  
容外有天門三重雲梯萬級自卑視高曼  
延壁立掛懸空之霽虹逼霄漢於咫尺歷  
參井之鈎連詎跬步之可即躋欲半而悸  
驚憑危欄而上陟慨登望之多巖夢徒兆  
於生翼及天天門之外則隨山通道跨澗  
架此剪除榛蕪辨域定規或聳琳宮而開  
寶殿或興古廟而建神祠或嵌珠龕於巖  
畔或矧柱觀於山碑築石室以藏僊服我

彩亭以貯

御碑彌東南而亘西北彷彿閭闔而廣勢相雕  
墻橫截乎山谷仙廬盤鬱乎坤維熾丹腹  
於林杪鳴鍾鼓於厯屨境之最勝者無如  
紫霄峯之至高者莫踰天柱南巖五龍兮  
幽雅瑰竒玉虛淨樂兮輪奐規矩清微真  
慶兮非不霄崢遇真朝天兮俱號紫府似  
茲宮觀兮三十六所其餘庭院兮更僕莫  
數丹房石空兮雖寒不寒雪窩涼亭兮當

暑不暑甚至萬松一泓各有軒亭鉢堂方  
丈亦爲峻宇隘四衝而騰八達張千門而  
啓萬戶宗大岳而朝玄穹翼太和而壯今  
古人皆疑其天造而地設或出於幽贊而  
陰輔不然何以楹柱林林梁棟楚楚而有  
此廓度宏模福區玄圃壯神僊之窟宅聳  
人世之瞻睹吾想夫永樂之初內難旣夷  
四海寧謐民物熙熙是以奉委之臣以謂  
聖君有作我儀圖之敢不盡瘁忘疲董督

指揮朝斯而夕斯由是智者售技而無所  
隱壯者効力而不敢欺雖山林谿谷亦不  
愛其材孰謂我

朝長府之積皆在所供億而其用不貲又况工  
咸與願匠賽輪僑萬指揮斤而呵氣爲霧  
六軍荷鍾而瞬息爲墟庶民子來若有神  
司經之營之倏爾成之于以答景貺而廣  
孝思于以奉明祀而祝丕釐神必徘徊容  
與于茲康濟邦國福祉黔黎以陰佑我

皇上聖子神孫集慶禧而撫有太平萬萬載之  
洪基賦已復撮其要爲頌辭曰倬矣大岳  
摩青蒼兮背漢佃漳鎮一方兮奕奕宮殿  
闐山岡兮天帝蒞止周相佯兮氛沴斯靖  
時雨暘兮慶祚靈長神化彰兮我  
皇崇祀佑八荒兮玉質金相昭寵光兮四夷來  
王徵休祥兮海宇乂安垂衣裳兮本支繩  
蟄世萬其昌兮俾臣之後胤亦如諸峯之  
拱岳永篤爲忠良兮

襄陽歌

陳省巡撫都御史

予拊循無狀既載閱月陰雨時作民間皇  
皇惟無歲之虞予惕自引誓禱之庶神追  
惟丙寅予按部均襄雨驟至盆傾甓建倏  
忽瀾漫闔郡之民其魚矣予徬徨援拯時  
民之所欲予雖憊而民獲少甦因次今昔  
之感爲長歌昭告于大岳太和

上帝云

杏花飛春雨急陌上行人草作禪燕子啣泥

烏衣濕烏衣濕可稀高原盡下隰杲杲初  
從東海升阿香隱隱恣呼吸四野八荒晴  
復陰農夫田父嗟相及去年麥禾苦歲功  
今歲無秋老穉泣天心仁愛下民咨歲哉  
民與非邪吾吾今禱神請自罰咎在其躬  
民其甦慎毋更見襄陽水如昔乘駟擁璽  
符煤灼熏天無寸白河伯商羊前後驅勺  
水蹄涔皆奔注頃臯城郢變江湖蒼生魚  
鱉從昏墊竈沉徧作蛙蝦區予時傍徨城

頭走恨無利劍斬長漚萬姓環予踰且哭  
竟日無煙口無粥孳人枕藉水中流盡是  
人生骨與肉聞言三令且五申死與禪傍  
饑與熟窮鄉下邑紛如來大開倉廩賑之  
穀洪水漸消民漸安文昌奚武多慚恧予  
聞封內庶神祇雨暘時若神之福嶽嶽太  
和

帝所棲奕奕琳宮金為題寶殿連雲三十六  
彷彿閭闔彌東西

國家嚴事二百年明禋禘祫與天齊寰寓祝  
鰲歌

帝力何況楚國四境之烝黎雨必時兮風不淒  
乳育百穀饒豚蹄蜥蜴蛇醫卻不用豈將  
后土久沾泥

予昔按部均襄承

肅皇遣祀太和爰成短吟塵之篋中十五年徃  
矣間者荐撫茲土觸時感事復有長歌因  
出前什授之黃冠亦曰下里巴歛云爾

峻極層巒上清虛咫尺前摘星看日出禮  
斗與雲連靈斧開青障南巖瀆玉泉明禋  
承

帝遣身在蔚藍天

天柱挿雲端流虹繞乙壇千年開洞府萬  
木護琅玕神漢青霄濕閨風白日寒玉虛  
宮上月何處是長安

登天柱峰

錢岱御史

自昔踰泰宗曰天齊云余東巡一陟其巔

瞰扶桑睇雲物以為寰中觀  
已余按部均陽復得太和山  
洞目駭心泰宗者且溟滓稱  
弟哉余惟古之譚封禪者七  
十二家夥矣它不具論如秦  
皇漢武其皎皎者彼其登山  
望丘跡遍天下至索之杳冥  
求所謂三神山者庶幾一遇  
之而不可得何勤與然茲山  
介在襄豫密邇關隴竟泯泯  
也

明興

列聖褒庸顯章明裡錫彌  
遂足冠冕五岳凌跨千古噫  
吁秘靈宣曜固有時哉固  
有時哉余低徊留之不能去  
云賦以志感

曾聞泰岳彌天齊此地攀躋  
境益竒名時謾令誇往代巨  
靈偏許屬

清時根連紫極千峰合界逼  
青旻萬象低我欲直探無上  
闕塵緣終自隔丹梯

自天柱下遊南巖

天柱孤撐萬壑奔南巖雄絕  
境平分飛泉倒

鴻半空兩怪石危懸千障雲風遍梵音虛谷  
靜香飄龍昂洞門春慚余底事浮名繫歸蹠  
匆匆日已熏

太和山賦

馬一龍國子監司業

予昔丁卯之疾禱

玄帝而承天休乃今庚午之歲謁太和以答神  
貺大哉巍乎天地中有是山故造化中有  
是神也神顯駿功世享崇祀予謬司東壁  
之府可無汗青之書耶爰作賦鏤諸石云  
儵忽鑿渾敦之竅廣莫分翼軫之圻惟一  
元旋機在子乃萬物化源所滋天載玄默  
地開靈竒常陽擴其無際積塊纍於織塵

崑崙定樞以突兀太和分脉而嶙峋龍漢  
刳象帝之先兮守孩中而自老紫墟煉淨  
樂之國兮出大帝以爲神奠位參兩儀總  
章懸五嶽破元氣之網盪啓撐黎而結幕  
含玄黃之孕精稜巨麗以扉廊膺撫三關  
黃帶百粵涪湛漢沔之縈迴燥潤梁洋之  
洵勻媪軸炳靈璿衡揆律抗勢遠廬標影  
鰲極張堪輿之形勝崇法象於天則亘地  
八百里環峯七十二岩嶢上羅穹嶺屹擁

縹翠列離宮之譜則太龢紫霄南巖貞度  
五龍玉虛清微樂土遇真朝天左右紫府  
計羽衣之塵則太玄威烈元和八僊脩真  
復真迴龍龍泉仁威真武玄圃後先樓觀  
崢嶸澶墀盤旋三十六巖之窅窅二十四  
澗之委蛇井臺窳竅而杓掛泉潭真瀦以  
蒙漪玉梁爲虹鯨吸湟陂素瀨卷雪人鑑  
冰池若試心試劍之永有金星銀星而兩  
矚尹仙右棋惟石之肖肺腑收春於榔梅

雷神表步於天乙白龍增應谷之靈桃源  
括避秦之逸濯土之毛彙將不億姑舉其  
一二者堯韭禹糧秦檜漢栢房李枝棋襄  
橙鄧橘菌萸夔芷蘊蒨蒟青漆檮匠具芳  
菲綴馨蒲柳之質無不含英苦窳之器亦  
皆萃精年遐松艾之資品列甘黃之上雖  
混所生匪同色相又其飛走昆介爲物且  
饒文貝華虫鷄鷄寒號雋周之鳩意而以  
鷓於菟澤霧兮蔚變而驕跋胡明眎兮窟

營其狡種別類差不可殫紀乃惟地靈所  
鍾斯則傑人萃止事載方冊聲在人耳喜  
棲石僻者軌度天樞練巾飛鳥者解組道  
居戴盆落帽馬明架盧勅遇堯簡龍咲墮  
希夷驢雲溜房長鬚之杉丹入田蓑衣之  
鑪真常觀妙洞雲祖年青陽全式德邁風  
仙連雲孤碧駢古松泉明道明祐善澄善  
淵駕風鞭霆尸解蟬蛻究水華之靈奧洞  
陽精之神秘披寶歛青服食方劑黃庭見

僮玄霜度世尋穴天之寶衢焚海嶼之雲  
術神欲守而鷄居體將伸而獲屈遡本玄  
真開山啓兆簡奉元君以悟真鍼磨神姥  
而契道誓寄樹兮一念通靈命懸崖兮五  
龍夾抱功成六七之年道顯億萬之劫玉  
帛冠裳方來宸翼罔兩妖魔潛形遁跡神  
功宥密兮作配泰元佑我

皇祖兮聲猷赫宣鄱陽弭難兮燕國揚旌外戢  
內靖兮乾清坤寧遭際帝王之繼聖宰制

山川之百神豈非水土中陰陽萃日月交  
龍虎配躍䟽柱之汨越肅坻鄂之鏗鏘瞻  
鉅鎮之穹崇繕綺構而高驤者乎噫吁歎  
大哉巍乎天下無以尚之光采陸离揮霍  
爛熳入以天門之三疊懸以雲梯之萬級  
井蛙管窺兮申天半辟木希蹤進兮跬步  
莫蓬豁然展士衡之翅兮飄然御列子之  
風闖烟嵐之磊珂兮越日嶺之龍峯仰視  
參井兮頰歷霽虹晷宸光之熙逗兮選龍

見而雲從欽願彝鼎遍禮琳宮擷珊瑚於  
脰烏搖鼻願於膜功探黍珠於月偃兮技  
泰阿於雷豐誦

綸音之煥發兮求縞章於蔓揭薄仙廬之屈屣  
兮訪遺書於石室誕真誥之瑤函兮遡仙  
宗於玉牒時乃飛花舞筵高鳥在空嗽天  
滇之芳潤聆滴露之醴滂淙汲沆瀣之液漑  
華渚之躬禋身紫翠之上掩袂天柱之峯  
雲霞繚繞巒岫幘幘前挹五老後係三公

右遜九宰左挽七雄東舉太始而展旗九  
度之金鎖西望隱仙而疊字千丈之雞籠  
皇厓顯定之家皆燃藜而髓石潛真悟道  
之士能伏虎而降龍觀其雲聚香鑪慧明  
蠟燭大蓮小蓮文曲武曲天馬玉筍之躡  
蹕丹阜竈門之起伏流輶晏景森羅象數  
促息引領吐納雲霧測深不可幾致遠莫  
能負何神山之峻美羗元苞之綜固耶衆  
賓抖擻而談吐縱橫獨士沉吟而神發智

生蔀屋十日兮約牖納明雲村麥耳兮按  
宅上昇朱干立準兮琪樹流鶯火鈴噴焰  
兮龍師聽經家據蓬壺之盛人傳金闕之  
名疆畛井畫而阜成桑麻櫛比而敷祭城  
部鈞連兮衛護閭閻鱗次兮章平是則郡  
縣良吏之所宣承也測圭表方奠麗中央  
風雨時會江漢之陽沃野大麓符分播脈  
黼黻所與弁蓋如雲蒼生蠕選而得所香  
軹蟬聯而依輔民近旱麓之遺兵釋潢池

之武禮義經籍之所漸陶慷慨激烈以爲  
鼓舞陳麟趾騶虞於二南別民情俗習於  
九土是則觀風諸臣之所敷翊也翹首

潛邸掩映

神京氣吞雲夢波撼洞庭控南北而混胡越浸  
乾坤而浴日星激商羽於陽春之籥占醇  
和於瑞靈之鵲祥光常擁銀潢灝氣遙瞻  
玉峽上應薇垣竝三都之壯麗下通地肺  
綿兆禩而曠綽緣壕涉洛亂漢抱岳擣洪

藻申景鑠黃道轉度翠華駐方蟠踞雄於  
天造芻菁揭於

帝鄉感威靈於鳳翥作物睹於  
龍飛輿圖協宰弓騰輿思是則

先皇繼統之所造基也謁羲農於沔陽祖神禹  
於是別吳闔之胎楚昭之血悵吾道於坡  
回車弔幽忠於衣禱石陽臺留宋王之悲  
君山瘞舜妃之璧酉陽善祠長沙賈宅蜀  
地徧安昭烈而中興荊州必分吳魏爲三

國不數騷賦之才還高鹿門之節是則聖  
賢豪傑之所履歷也泰華鼎峙衡常中嵩  
環迴匝遶臣僕甚恭蛾眉匡廬之秀陽明  
大白之奇崆峒鬼谷終南武夷勾漏天台  
隱觀九疑青城五臺金庭玉屋

宮寢佇望金陵仙都遙連勾曲瞬絕西方罽賓  
身毒橫絕法界紆蟠其躅儼然王者綴旒  
於諸侯太宗統系其羣族此則太和元氣  
之所聯屬也至於濛汜崦嵫朱崖鐵勒入

我版圖統在疆域辨髮雕題輸誠效役夷  
韎堯離罔不化育六合混一而塵清四海  
不揚而波澄二都拱放動重華之主游席  
列社稷股肱之臣四時成序於羲和五星  
叶光於蒼昊嘉禾擢秀醴泉薦馨遐荒不  
驚兮華夷相錫淳風大同兮彬彬禮樂然  
安不忘危大閱以作

神武懋昭爰及朔漠是則

聖君啓相參贊乎高博者也轉盼締視心神曠

怡蕭籟既寂月來如期已乃迈乎圭中蟬  
游以容黃金綽體照我參同又則探天一  
生水兮坎起元爲之宰地六成象兮外週  
數由於內孰爲鑄刻兮即慧性以斬諸魅  
如水沃焚兮沫撒萬緣之溷穢孰爲龜蛇  
兮即水火之既濟紅鉛黑汞兮蘊先天之  
祖炁慨危途之碌碌兮趨功名與富貴胡  
世人之懵懵兮嗜腊毒爲炙膾渺浮雲之  
過太虛兮悟本來自有量劑寔往來聚散

之無常兮曼駒隙儵然流逝况造化者亦  
以天地爲逆旅而光陰者總視浮生若過  
客知黍珠在吾身之寶兮毀天地而不劫  
當知吾生塞萬機之原兮踵玄關之一息  
紀勝槩於遊觀表名山之神烈  
歌

元

野老歌

劉曰 靜修先生

南陽武當天 下稀峯巒巧避山自迷青天

飛鳥不可度但見萬壑空烟霏山不知人  
從太古白雲飛來天作主旌旗明滅漢陽  
津幾閱東西互夷虜老人住此今百年自  
言三世絕人烟往事不聞宣政後初心欲  
返羲皇前脯鹿爲糧豹爲席竹樹蒼蒼歲  
寒國天分地析保無憂恠見北風山鬼泣  
一聲白鴈已成擒回望丹梯淚滿襟傳語  
桃源休避世武陵不似武當深

贈張洞困祈雨歌

趙世廷

京師大旱連三年地蒸熱氣如雲烟林林  
佳木盡槁死母論黍稷生秋田武當真人  
張洞困爲道有心如鐵堅食糲衣惡夜不  
眠兩眸奕奕光射天天子有詔承相宣召  
君禱雨紓煩煎君不默不語奏達虛皇前  
將吏驅蛟龍雷電相後先垂垂雨脚晝夜  
喧平地湧水如通川稚禾出吐芄芄然小  
草大草爭芳妍都人士女喜懽願謂君有

道真神仙我今爲賦喜雨篇勒之金石傳  
千年

送張鍊師歸武當歌

范德機

張君瀛洲人來作武當客始來武當時祗  
着謝公屐弟子百數輩稍稍來服役誅茅  
立萬柱空中現金碧辛苦三十年夜卧不  
側席以之律鬼神故衣如短墨元年踰冬  
旱朱火燒四國野谷方焦熬六月畿甸赤

大德山記 卷六 七十五  
朝廷亦不愛議牲與圭璧僵巫暨僊史歌  
舞無消息君時待詔來公卿初不識一朝  
傳天語問以濟旱策君云臣鄙愚造化非  
所測陰陽有開閉此寔智者責公卿復致  
辭物生孔棘已勅京兆尹取足輸粟帛  
此如解倒懸祀事惟所擇君聞猶固讓心  
寔內憂惕飛章白玉闕瀝膽殫悃幅臣寔  
才淺妙臣寔學邇塞臣有一寸心願賦后  
皇德后皇本愛民民今旱爲厄或者罪有

由皇亦重開釋祈謝各有方呪禁各有式  
上堂薦明水下堂考金石夜分請命既昧  
爽大施設爲壇東市門經紀法靈冊庭中  
玄武旗飄飄墨忝黑君臨一揮手怒髮上  
霄直指揮東方龍卷水東海側指揮西方  
龍卷水畧西極北南暨中央各以方率職  
某日某甲子漏下五十刻我在壇上伺不  
得忤區畫豐隆與飛廉圓缺與辟歷汝將  
汝風馳汝遣汝雷擊汝雲馮勿瀉汝雨必

三尺汝不從誓言不畏上帝勅至期果響  
應動蕩七日澤常時人所難君若不以力  
公卿奏天子是必有褒錫可以寵號名可  
以蕃服楊君曰天子聖卿從誠所格臣敢  
貪天功疏在歸計迫昨得山中書至自青  
溪宅向來百弟子遲歸在朝夕暇時冬序  
半霜下木葉積明當課斬伐結構西巖壁  
山田晚報熟芝朮及採摘獼猿長如人夜  
夜盜柿栗隄防苟不豫六氣盡蠱賊公家

事既已私事容棄擲方知用世士遺世等  
糠粃所過如虛空焉知去留迹我持一瓢  
酒欲以贈遠色歲暮不見君悵望空中翻

國朝

雲谷歌

王佐理

白雲道人昔何處野鶴相隨憇巖宇天風  
吹上鳳凰臺五色雲中覲明主從茲不事  
九轉丹拖金紵紫趨朝班惟清惟寅職祀  
典光映鸞鸞輝羽翰日持黃檢奏封祕似

向天宮朝

上帝仙階耿與三台通始知天上即人世青鳥  
不來仙路遙夢魂無復武當招谷雲化作  
傳巖雨時蘇四海資清朝君不見玉堂學  
士典文字許爾大書際遇事今朝正是降  
申日祝壽姑容獻佳什

艾暉

武當形勝天下奇瓊臺翠壁何崔嵬瑶池  
尺五鳳凰瑄上邀羸女冷風吹碧峯倚天

三十六二十四澗鳴蒼玉鷄犬無聲萬壑  
幽靈鳥樹杪啼晴旭宮中仙人羨丈夫披  
髮跣足提湛盧玄功千載亦莫測下土寔  
賴神明扶我行欲藉靈胥手真擬天津援  
北斗霧合凌虛覽八荒俯視羣山如崕嶮

鐵杵歌

名氏未詳

武當屹立天柱峯衆山朶朶金芙蓉超然  
大頂出天造形氣宛與霄漢通粵從上古  
有玄帝灼知此境非人世辭親淨樂國中

王速即武當山丁地就中修道四十載道  
未成時心欲怠上天眷帝有玄功默降神  
靈來與會化爲老姥貌龍鍾手持鐵杵磨  
澗空帝見問之何所用姥言治此作針縫  
帝曰杵堅不易造答云在用工夫到豁然  
慧性與天通遂感神語還修道不數年間  
道竟成天垂法駕來相迎飄然直上彩雲  
去騎龍白日昇天行昇天有道大無息蕩  
滌邪魔位北極惟留一杵在茲山神物護

遮迷形迹我

皇御極真天授海宇清寧感神佑勅諭元勳貴  
戚來舊時宮室今新構元勳貴戚遵

上旨朝夕經綸勤不已指揮工匠各論能列觀  
諸宮同日起諸宮列觀森開張丹碧炫耀  
金輝煌萬壑儲靈齊出色十崖獻秀蔚增  
色大開金殿青霄裏壯觀仙都從此始帝  
降無時儼在茲鑒觀

聖敬中心喜中心喜之將若何圓光屢應祥瑞

多萬年神杵一朝見六丁捧出山之阿天  
生此物超凡質形類非金亦非石圓缺不  
改舊時容奇異猶從太古色貴戚從此是  
仙工再三拜進登

九重

聖主臨軒垂一覽燦然清彩霽

重瞳古來賢君皆不得惟

皇聖敬能招格四海懽聲共沸騰頌歌竝作光

前列小臣葵藿朝太陽幸逢治世歌虞唐

但願

帝心常簡在

皇圖鞏固與天長

盧大雅

太和之山高挿天虛危墮地知何年鯨鼉  
割斷萬文壁霧雨洗出千枝蓮仰看固信  
嵩華小俯視豈獨均房連紫霄臺殿北崦  
外玄武旌旗南斗前薜荔爲衣草爲履  
紫烟斷霧皆羣仙或馴猛虎咲嘻嘻或翳紫

鳳來翩翩柔兆攝提格子月遠承王命祠  
其巔玄酒雖同澗蘋薦寶翰金龍蒼壁鐫  
初尋龍湫歷烟島稍紆鶴塚行芝田白雲  
渾旁晚蘿弱紅葉絕類春花妍欵杖青藜  
燭徑洞恐觸虹氣衝星躔匏笙明日載黃  
鵠浩歌寫入凌雲篇

山水圖歌

張來儀

昔聞安期生飄飄入秦京上書三月空報  
能拂袖去作蓬萊行却笑叔孫通俯仰咸

陽城長生竟何補世上留空名何似長安  
少年客天柱峯頭煮白石朝辭掉鶴下雲  
中暮逐雙龍侍君側繡衣青總馬蹠躑臺  
城下愛道心不忘焚香坐清夜太平天子  
親齋祭新擢祠官捧圭幣紫壇燿火曉如  
星獨侍衮衣朝

上帝還思舊隱地石室生青苔來時壁上倉精  
劍七星剝落空塵埃丹砂不復化蘿衣誰  
更裁人生窮達會有命何須千歲如嬰孩

草衣木食苦復苦王喬偃佗安在哉寄語  
空山舊泉石不須爲我生悲哀功成倘遂  
乞身願萬里青天騎鳳來

武當歌送廖氏兄弟

李仲訓

武當山何崇崇下瞰乎荆豫之境當乎秦  
關之衝行人過客千里外杳渺望見七十  
二朶之青峯或拱而西或揖而東或北而  
背或南而宵中央高平者大頂重壓厚土

摩蒼穹廼知

玄聖昔日飛昇處上有宮觀知幾重鸞鳳起舞  
龜蛇現蹤閃閃旗纛玲玲磬鍾簷牙馳列  
缺殿角騰豐隆早聞天鷄啼晚見月兔春  
玉澗流水響丹崖太古封金銀石精照白  
日松栢偃蹇成蛇龍靈苗異蕊莫盡記仙  
老隱士長相逢世上會登罕能到天下茲  
地斯爲雄廖家兄弟好風骨素願謁拜中  
誠通去年二月兄獨往今年三月弟更從

二人矯矯良可羨飄然乘鶴背風歸時  
好摘桐梅實惠我狂吟霜鬢翁解此夕渴  
懷慰此衰謝容明年倘遂生羽翼亦欲與  
子凌虛空

蟾宇歌

胡儼 祭酒

八荒蕩蕩天宇清銀漢星稀孤月明茶烟  
消盡鶴初睡雲窓洞達虛白生道人宴坐  
收金經鼻端有白心無營招搖此指紅日  
昇絳宮月魄蟾光疑迴風混合歸黃庭天

門夜開飛爽靈廣寒宮闕當晴昊霓裳曲  
度春光早嫦娥有藥不須嘗桂樹青青後  
天老陰火流金出太淵莫咲五行顛倒顛  
玄谷虛名神不死夜夜蟾光清徹天

蟾宇歌

西壁

勾曲之仙入乃是釣鼈客辭家早從虛白  
師蟾宇寓名聊自適瓊樓玉宇高處寒清  
虛只在方寸間長生豈覺顧兔藥中局內  
守成返還歛起乘風雲那容侶麋磨一命

佐道樞宴搜訪仙真  
麟爲車子霓爲蓋洞  
天海嶽應無外歸來  
金闕繪圖陳領袖太  
和蒙

帝賚太和之山高岩  
堯金銀樓閣中天遙  
虹光蕩漾真宰降雲  
氣杳靄山靈朝磨針  
澗畔漱清泚棚梅林  
下尋芳芷藥笈朝披  
鍾磬清石壇夜禮星  
辰邇載飛王喬烏寅  
恭覲彤廷同予啓王  
籙琳宮醮真靈衣裁  
絳霞佩蒼玉樂奏琅  
琅度山曲鸞翔鶴舞  
瑞感

臻

勅賜黃麻獎吾屬校  
書天錄借玄曹青藜  
夜照宮錦袍交歡應  
信日已久意氣相傾  
山岳高手持蟾宇卷  
索我蟾宇詩而我才  
力薄葩藻何由奇西  
風八月白露溥桂花  
吹香落廣寒蟾光射  
室塵不襍冰壺湛湛  
天地寬斯時燕坐萬  
慮徹惟有雲臺同皎  
潔篆烟細細爐火濕  
刀圭入口醍醐別翊  
贊至道承

恩榮明時願祝台階平他年會見功行著騎取  
蟾蜍凌太清

次樸菴韻歌

王佩副使

乾元開顛顛坤極闢茫茫習坎生天一兼  
山蟠地疆太和只如許金碧何其煌箇裏  
有真宰虞淵翊太陽天王報偉功宮殿橫  
高岡閭闔重千仞舟車足四方中丞到上  
頭泰宇發天光雲絢千機錦日呈五色祥  
七星紛燦爛五老若顯昂環眼非人世漫

空皆異香高尋問真源德星聚武當

再遊武當歌

鄭如阜僉事

炎蒸厭行役放曠趨名山忘我養虛白逢  
人叅大還風枝剔老朽雨葉回春顏聚足  
陟危磴會心聆幽潺老營敞玉局大頂盤  
金關紫霄最佳麗五龍屯回還南巖稍奇  
峭也復雄其間一覽亦云幸再遊豈不難  
玄都宿有契造物假以閒藏帙難徧閱繁  
言不可刪希夷去已遠刺達何由攀

紫霄仙興歌

許宗魯提學副使

披藹躡石磴凌虛趨壁壇路崎足力蹇氣  
甬衣裳卓裊裊御風邁脩脩拂烟還幽光  
薦瑤草遠風結崇蘭激澗淙哀玉懸松漱  
鳴湍日借暮山紫霜變秋林丹珠宮隱半  
壁貝闕飛霞端雲轉入翠微飄飄步高寒  
展爾謝塵壒翩然生羽翰霞徑遂長往服  
食青琅玕

登天柱峯還至南巖宮歌

曹忬參政

大人志廖廓四海安足拘飄飄凌風翰常  
欲遨天都仙童爲我迎玉女爲我扶上藝  
五名香六草生煙蕪俯視塵寰內蹉躓如  
一區衆山何足道纍纍盡丘隅中逢費長  
房日月收入壺子喬乘雲駟邀我領清醅  
即此昇仙境何物可等吾從今金石躬與  
帝合靈符

曉發南巖穿青羊過五龍宮歌

鷲節辭仙館升輿凌峻谷爽氣流昊蒼晨  
光散林木前瞻山若連還顧徑已沒高翔  
入天雲俯涉穿地軸恍惚屏嶂遷俄傾金  
碧伏登陟倍爲艱延攬景愈促息駕未能  
休賞心難具述雲巖石髓香玉田瑤草綠  
俛仰各殊觀應接咸快目靈境旣嵬奇華  
構更岼突憑虛面嶇嶇歷險坐超忽探奇  
稀前蹤茲遊果誰續

大岳太和山誌卷之六終

